



JU dom-porodica

Zenica, Crkvice 20 C
Tel. 032/227-578
Fax. 032/227-575

dompor@bih.net.ba

Broj: 01-1997/22

Datum: 26.10.2022.

Na osnovu člana 70. stav (1) i (3) Zakona o javnim nabavkama (Službeni list BiH broj:39/14), na preporuku Komisije za javne nabavke, u postupku nabavke roba "Nabavka opreme za pekaru i kuhinju doma", direktorica JU "Dom-porodica" Zenica, donosi

ODLUKU

o izboru najpovoljnijeg ponuđača

Prihvata sa preporuka Komisije za javne nabavke o izboru najpovoljnijeg ponuđača za javnu nabavku: „Nabavka opreme za pekaru i kuhinju doma“ i dodjeljuje ugovor ponuđaču „**ARTIKA**“ d.o.o. Sarajevo, ulica Muhameda Ef. Pandže do 4d, 71 000 Srajevo, ID broj: 4200258910005, kao najpovoljnijem ponuđaču čija ukupna cijena ponude iznosi **21.890,00 KM bez PDV-a**.

Ova Odluka se ponuđačima dostavlja u roku od 3 (tri) dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici JU "Dom porodica" u skladu sa članom 70. stav 6. ZJN.

U skladu sa članom 98. Zakona o javnim nabavkama Ugovorni organ će nakon što se steknu uslovi dostaviti na potpis Ugovor izabranom ponuđaču.

Ova Odluka stupa na snagu danom donošenja.

o b r a z l o ž e n j e

JU „Dom-porodica“ Zenica donijela je Odluku pokretanju postupka javne nabavke broj:01-1936/22 od 13.10.2022. godine kojom je pokrenula postupak javne nabavke putem konkurentskog zahtjeva za predmet ugovora „Nabavka opreme za pekaru i kuhinju doma“, za koji je Obavještenje o javnoj nabavci broj: 556-7-1-19-3-12/22 objavljeno 13.10.2022.godine na Portalu Agencije za javne nabavke. Zahtjev za dostavu ponuda prosljeđen je slijedećim ponuđačima (istovremeno sa slanjem obavijesti na Portal javnih nabavki):

- Ponuđaču: „GASTRO TEHNIKA“ d.o.o. Mostar
- Ponuđaču: „LINEA“ d.o.o. Banja Luka
- Ponuđaču: „ARTIKA“ d.o.o. Sarajevo
- Ponuđaču: „EUROGAST INTERNATIONAL“ d.o.o. Čitluk

Procijenjena vrijednost javne nabavke je 22.000,00 KM bez PDV-a, a za što su novčana sredstva obezbijedena od strane donatora UNICEF BiH.

Ugovor se dodjeljuje na osnovu kriterija: najniža cijena.

Tendersku dokumentaciju preuzelo je 12 (dvanaest) privrednih subjekata, a 3 (tri) ponuđača su dostavila ponude u predmetnom postupku javne nabavke, o čemu je Komisija za javne nabavke sačinila Zapisnik o otvaranju ponuda br: 01-1990/22 od 25.10.2022.godine. Sve ponude su blagovremeno pristigle. Ponude su dostavili sljedeći ponuđači:

Redni broj	Naziv ponuđača	Vrijednost ponude (bez PDV-a)
1.	„ARTIKA“ D.O.O. SARAJEVO	21.890,00 KM
2.	„ALPER GROUP“ D.O.O. ILIDŽA	22.000,00 KM
3.	„DERBY TRADE“ D.O.O. BRČKO	23.000,00 KM

Komisija za javne nabavke imenovana Rješenjem broj: 01-326/22 od 17.02.2022.godine, izvršila je pregled i ocjenu ponuda, o čemu je sačinila Zapisnik o pregledu i ocjeni ponuda br: 01-1996/22 od 26.10.2022.godine, u kojim je utvrđeno sljedeće:

-da je ponuđač „ARTIKA“ D.O.O. SARAJEVO dostavio tehnički zadovoljavajuću ponudu i da je ispunio sve uslove za učešće utvrđene Tenderskom dokumentacijom. Komisija za javne nabavke je ponudu ponuđača „ARTIKA“ D.O.O. SARAJEVO ocijenila kao prihvatljivu ponudu.

- da ponuda ponuđača „ALPER GROUP“ D.O.O. ILIDŽA nije prihvatljiva u tehničkom smislu i ne ispunjava zahtjeve ugovornog organa. U aneksu III Konkurentskog zahtjeva-tehnička specifikacija mašine za oblikovanje tijesta ponuđač je ponudio mašinu koja ne zadovoljava tražene tehničke uslove po pitanju minimalne veličine valjaka i minimalne/maksimalne težine tijesta za oblikovanje. Ponuda ponuđača „ALPER GROUP“ D.O.O. ILIDŽA je ocijenjena neprihvatljivom.

- da ponuda ponuđača „DERBY TRADE“ D.O.O. BRČKO nije prihvatljiva u tehničkom smislu i ne ispunjava zahtjeve ugovornog organa. U aneksu III Konkurentskog zahtjeva-tehnička specifikacija električne parno konvekcijске peći ponuđač je ponudio mašinu koja ne zadovoljava tražene tehničke uslove po pitanju minimalnog temperaturnog režima. Minimalni traženi temperaturni režim iznosi do 280C, ponuđač je ponudio peć sa temperaturnim režimom do 260C. U aneksu III Konkurentskog zahtjeva-tehnička specifikacija mašine za oblikovanje tijesta ponuđač je ponudio mašinu koja ne zadovoljava tražene tehničke uslove po pitanju maksimalne dimenzije mašine i minimalne težine tijesta za oblikovanje. Shodno navedenom Ponuda ponuđača „DERBY TRADE“ D.O.O. BRČKO je ocijenjena neprihvatljivom.

Tenderskom dokumentacijom bilo je predviđeno provođenje e-aukcije i ista je naznačena i u obavještenju o javnoj nabavci, a odredbom člana 3. stav 3. Pravilnika o uslovima i načinu korištenja e-aukcije propisano je da se u slučaju prijema samo jedne prihvatljive ponude e-aukcija ne može zakazati već se postupak okončava u skladu sa odredbom člana 69. Zakona o javnim nabavkama.

S obzirom da je ponuda ponuđača „ARTIKA“ D.O.O. SARAJEVO u iznosu od 21.890,00 KM bez PDV-a prihvatljiva ponuda koja je u okviru procijenjene vrijednosti javne nabavke, Komisija za javne nabavke je dala preporuku ugovornom organu da donese odluku o izboru najpovoljnijeg ponuđača i ugovor u predmetnoj javnoj nabavci dodijeli ponuđaču „ARTIKA“ D.O.O. SARAJEVO.

U postupku donošenja odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijumima iz tenderske dokumentacije.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu naprijed navedenog, donesena je odluka kao u dispozitivu.

Pouka o pravnom lijeku: Protiv ove Odluke može se uputiti žalba ugovornom organu, najkasnije u roku od pet (5) dana od dana prijema iste.

Dostaviti:

- Ponuđačima
- Komisija za javne nabavke
- a/a



Direktorica

Draženka Subašić
Draženka Subašić